

少室山人集

少室山人集卷六

河南楊本仁

詩

觀三門砥柱山歌

君不見黃河飛濤吹崑崙
遶遶迴迴九萬餘里
洶洶不舍奔中原
巨靈鼎鑪劈三門
拍天濁浪
中原翻浩蕩
長含千古勢
斧鑿尚帶昔人痕
傳聞此事古有碑
年深斷裂中沈淪
集津續勒唐
皇銘翔龍戛鳳苔
蘚吞鐵牛奚鑄
亘河濱至亦有
頌今不存安得俱
使置眼前使人一
見知本

根有時風雨河益放千兵萬仗疾相蕩排嵩歎
行天地不霆揮電霍滄溟漲龍門伊關焉足沉
瞿塘峽水空雄壯另崩兩岸山何衆此山乃在
河之中萬雷擊山山不動孤根下與坤元控鼉
掣鯨鬣不復知周濤漢波日相送看來妄意欲
撼之竭盡平生未可知氣麤或與鬼神忤不然
定觸蛟龍怒地軸一搖六鼇側英雄意氣成錯
愕拔劍擊濤歌砥柱白日出照心膽露禹王廟
前鸛鶴鳴蒼虬手底風雷聚左右魂怯時促去
立馬不行行屢顧吁嗟乎古社稷之臣堂堂乎

折而不撓有如此迴首孤峰森烟霧

潼關雨宿二首

聞說周秦百二關西風挾節爲開顏層霄倒瀉
九河水一逕孤懸萬仞山當日英雄曾割據到
時烟雨遂登攀華峰仙掌平生夢屢帽龍凍未
忍還

萬里雲沙擁去旌一身天地俯重城河山昨日
猶吾土奔走何顏空此生杯酒故消孤燭夜鴈
鴻始覺異鄉情不堪吟斷親雄劒風雨關門吹
角聲

楊震墓

平生最慕楊伯起今日關西拜古墳四海冠裳
真有淚當年朝著可無君飛流晚過黃河水高
掌晴攀華嶽雲千古四知心不死一杯清露絕
塵氛

太華山

束髮慕奇勝太華精相向未至華陰時神落三
峰上翻然阻陰雨坐令色惆悵迴風捲長烟半
顯半不顯莫辯玉女峰奚掃芙蓉障夙昔念高
契千里蓄英眇巨靈嗇珍怪使我顏不展時觀

雲消息對酒不能咽安得倚天帚一揮光蕩蕩
情至撥劍歌顏與聲俱放仙人掌不開真氣時
自炫引領異良覲一笑遺真妄

華陰雨後對太華山歌題詩引杯高酌一首

入關會阻潼津邸千丈芙蓉雨後看真有紫烟
生落鴈峰名恍如玉女教乘鸞一尊遙對三峰盡
百計纔成半面觀安得凌風倚仙掌名詩句句
和霞餐

十月十二日渭南縣夜

四十二年逢初度風塵轉覺遠遊身簪軒故引
庭闈目關塞那堪弧矢辰頗謂江山供攬轡却
緣奔走媿垂紳月前徙倚情無限腸斷今宵渭
水濱

立渭水上口占

獨立峰烟迥高吟野氣秋如何清渭影今日亦
濁流問路沙邊寺爭人渡口舟此心如此水應
到海方休

望咸陽

千古金湯國西來始一過雖圖明土宇猶說漢

山河踐華城仍固長楊賦不磨五陵何處是渭
水起寒波

馬援墓

扶風西出伏波塚孤柳無陰草四侵自昔雲臺
俱泯滅即看銅柱仍千尋平生不替跼蒿夢報
國終存據馬心我亦有身今萬里武陵一曲不
堪吟

岐山周公廟同孫尹觀吳道子壁畫攝政
諸圖歌

十月十七岐山宮仰聖門高如不容潤德永與

世消息栢梧老幹撐蒼筤入門宛拜洛陽殿
周氣象吾今見彷彿親對篤業公水月丰神夢
中面細看始覺名手別回頭欲向孫侯說孫侯
嗜古精鑒徹遶壁無口呼奇絕負辰南嚮嗣天
子衮鉞森嚴虎賁峙公也北面若有陳東圭磬
折容靡弛意喻色授兩忘言地緯天經乃在此
殿前纍纍商王鼎更著盤石鼎之趾九夷八蠻
俱來朝雕題斷髮赤墀裏衆相目語如有旨珍
禽奇獸額外徙指點一筇舉白雉孫侯笑是越
裳氏越裳之國隔溟渤吳也掃出溟渤水恍惚

見水不見波一碧萬頃平如砥即恐風雷起超
忽山根隱隱蛟鼉窟一壁兩人手扶把兩人頭
蓬裙無袂布縠雙飛牛未卸餉來揮手如不暇
此意本爲開國摹分明摹出無逸圖轉貌二生
門之東眉宇似不甘蒿蓬其中叵測相頗雄長
裾飄颻雙凌鴻僅僕訢訢走相通公適沐髮沐
未終束髮出門意匆匆面無貴色當下風人士
無微而可忽至言或在芻蕘中聖者不自以爲
聖賤者不知其爲賤一沐及終握者三千年意
氣圖中見吳生吳生覃精思神揮冥構有何意

鷓鴣音狼尾空流淚看圖顯似金滕字精意鑿出
真宰泣靈壁定有鬼神集陰風寒颯蒼霧濕樞
衣下殿仰天立吁嗟乎紫簫吹裂鳳不迴何人
爲翦岐山萊

清風亭

亭在鳳翔公署

一上清風亭清風滿修竹意勢千雲霄氣致宜
松菊烟嵐撲不散陰森翠可掬累月困塵喧今
夕此間宿颯然清風來寧可食無肉

益門鎮

西走窮秦川雞峰照渭源始至益門口覺我色

氣掀兩山如列壙清江中怒喧孤逕引千仞斷
崖只半存誰爲造此險壯哉此益門西扼漢江
流南固巴蜀垣一夫杖劍前百萬空崩奔往者
有凋顏來者申苦言豺虎與奔峭仰面聲常吞
不信攀躋艱但看衣履痕悲辛未足宣夷險吾
不論丈夫四海身安得恒立園秀木不叢生高
禽多孤翻險勝方自茲有羅愚當捫願惡靡兼
遂前却生煩冤豈不憚嶮絕聊欲壯精魂

煎茶坪

山半夕景暄山上早雪殘衆人厭卑棲高軌無

常完岩峭風色緊泥滑石巔屹不知程近遠急
景墮層巒僕夫戒顛遽一步一長嘆谷嘯虎暮
驕枝啼猿暝懸歛耀過飛星怒雷聆奔湍何不
策飛軒至在羲馭前白日見蹶岐馳道聞傾鑾
但當戒冥行勿勞辭路難

栢林寺灣

孤棧凌空雪後行半山古寺晚鍾清人從碧落
窺丹壑僧在白雲捫紫筌翠栢不凋前代色吟
猿偏作異方聲迴風落日江流急匹馬千崖四
望情

鳳嶺

日出海氣赤千山鬱生姿洩雲升未高巉峰復
礙之老檜一何適丹崖走蒼螭未覲曠世翮滿
目飛鷁鵬鳳覽千仞輝

明適百代期

紫極耀重華碧梧搖靈曦何當下九苞慰此長渴
飢豈無金琅玕使我邈相思轉身掇石耳水流
山不移

新店館

山程選恒峒暝色停驂服野館枕岩壑自取南

華讀疎燈燄不高簷雀時來撲微風捲落葉似
有山鬼伏群動聲俱寂顧之唯予僕出門仰天
嘯我何在此宿徐捫蒼精龍胡以寫幽獨

紫栢山

紫栢峰高萬木森烟嵐無數濕征襟山當佳處
鳥相語路到難時馬自任絕壑乍經風獵獵寒
雲不散雨泔泔虎啼猿嘯千崖靜十里凝笳吹
暮心

柴關嶺

一下柴關嶺陰陰天將雨森森西北峰峰峰裏

烟霧遠勢澹益佳立馬屢回顧自傷行路心涉
目聊成趣前行多巨石礚礚隘中路駑駿足同
跼使我顏色忤旣不中斧鑿又不任盤錯胡不
擲巨壑悄馬獨迴互一嘯懷往躅山青泉如注

安山館

山館緣山峻入門覺有況突面猪皮山宛如列
屏障一峰正端拱兩峰却相向花明霧露間藤
裊烟虹上鶴傳松裏音猿掛月中相懸岩亦自
奇古木終非長怪石躡如猓愈視愈作狀鉤簾
夕鳥下嵐飛滿衣韞臨流色易醒躋岩目自放

卽此羨佳覲矯首歌聲壯

馬道驛雨駐

野館蕭條風四吹況逢寒雨泥寒惟遲迴故弭

雲邊節沾濕聊看水上碑

在樊河橋上相傳往會修後特建橋

日塵沙秦塞曲百年懷抱漢江湄烏啼鵲噪綠

誰急獨對東山把一卮

跌虎崖行

馬道驛西風如矢山高石赤立壁似曾有猛虎

厓下死行人指點至今喜左無罟獲後無弩翻

身墮落誰汝使天清谷靜一失脚雄睛利爪不

足恃氣帽百獸空爾爾滿身文章俱披靡虎兮
虎兮何不砥毛搖吻厲汝齒積惡到頭鬼亦指
天道物理是如此

虎石篇

青橋驛東有
連雲虎石坊

青橋橋邊石如虎突屹幾年卧草莽迴頭作勢
欲向行人辟易莫敢侮樵採亦疑山下踪牛
羊不戀橋邊土而我西來亦頗異勒馬瞰之勢
轉怒礪谷泉淙雲四橫林木颼響鳥群聚自顧
手中無強弩拊劍下馬氣糾麤吁嗟乎汝石也
而胡爲乎然哉風吹草動陰山窟奚怪將軍夜

沒羽君不見切雲冠下雄風飛白日青天走獾
獠

將軍石歌

石在雞頭關北
數里新定舖前

江介巨石巍千尺行人呼爲將軍石青金爲鎧
鐵爲脊望之彷彿辯眉額胡不吐髮上指冠未
見虬髯森如戟恐是昔時開疆臣弓藏釁啓遭
擯斥怒濤不斷氣拂膺激湍時起聲填隘水邊
有無百戰鏃肘後是否六弦策雲沙鶴雀得侮
之風雨蛟鼉眼俱白迫而視之雄風動膽雖未
剖氣骨勁樹麾足以立三邊挺戈奚止屬萬命

曜王御極天下平天下武備皆空名干羽之舞慨
陳迹忘戰之國敵乃生君不見花馬池邊胡馬
鳴犬羊橫行定邊營又不見大同之寇不爲勅
一時烽火滿幽并鴈門寧武俱動搖輦轂之下
亦震驚將軍屹屹真豪英古來失意多吞聲手
底第無三尺劍胸中似有十萬兵何不以此報
天子使之跨海斬長鯨金印掛江江水明建牙開
府鎮番城千年冷眼飛長纓胡塵一掃四海永
清吁嗟乎推轂遐躅世不踐即使有命終難遣
君不見馮唐拊髀辨授鉞分閫眼中典

鷄頭關

七盤躡盡見危關四海一身霄漢間鷄壁總吞
蜀道險龍江猶遶漢王山切時戎馬場雄略廻
首燕雲想

駐顏敢向天涯厭奔走古來踪跡滿人寰

鷄頭關下忽得顧懷東掌科書知其夜亦
到漢中府相期各數千里而顧不先不後
如此云用紀一首

過關忽得黃門訊千里如期事亦奇幾夜雲霄
牽遠夢一時魚鴈謝相思猿聲鳥道難爲客廬

月相烟定有詩今夕故人宿何處放情湏倒彥
先卮

褒城

迴首褒城懷往路貼天鳥道幾傷神江山不改
三分日險阨曾飛百戰塵斜谷久蕪流馬跡異
時誰步卧龍津乾坤雙挈英雄淚灑向千年漢
水濱

拜將壇

漢陽江章離離推轂臺存使我悲天下自非
分謁由帝心不是築壇時秦楚河山流戰伐英

雄權略見崖涯藏弓授鉞俱莫問遺恨高皇帶
礪辭

五丁峽

峽風急尋人峽水迅於矢山中人不堪而况遠
遊子欲雨不雨天寒烟薄如此半墮不墮石一
步三五視斷崖歎千尺懸洞邈焉企險固壯金
湯勢可捫參崑鬼斧弗能開開此豈力士金牛
亦詭辭蜀愚不至此且看往來人車書今同軌
秦蜀吾何知拊髀數刻施

七盤關

九坂有人曾叱馭七盤未半遽摧頽細思天地
皆吾土雄壓西南獨此關微命動經豺虎窟
清朝幸覽蜀泰山常疑子美客邊况白鴈玄猿涕
淚間

過木寨山歌

雲色慘慘日氣薄山風吹人人倒却徑徑孤峻
懸山肩僕夫咨惋懷頗惡蕭蕭萬木起寒聲
前飛葉紛紛落鼉窟蛟潭水似刀猿攀虎踞峰
如削萬里誰辭蜀道難一官未果滄洲諾眼底
側瀟萬卷書曾中奚止一丘而一壑何日歸來

謝束縛一尊不厭藜與藿興來放浪歌一詩醉
時起舞調雙鶴君不見明月峽瞿塘波渠雖險
澗如予何

少室山人集卷七

河南楊本仁

詩

千佛岩

翳景吐夕暉風江暮流急索莫菩提崖爛鑿江
之側劉山作琳宮毫髮俱精刻金粟儼生魄諸
天難盡識沈冥羅漢禪幽默觀音息妙在意象
外對之躁心熄想當隆興日此地傾四國浩劫
到如來悲此意匠力波影搖空壁如覺獅象泣
颺撓擎鉢伽恍若動衣裓光怪時闐靈黑夜聞

盡人情惡衰歇奚解空與色天地亦虛無生
滅吾焉惑望望人境昏寒江獨佇立

朝天嶺

西來總是朝天嶺梯盡巉巖髻有絲頗賴平生
存氣骨動於險處覺矜持半山得地鳥常住絕
頂有松猿不知萬里風吹三尺缺倚雲長憶謫
仙詞

山行懷望

山路登攀倦鄉園何處天側身千礧口勒馬萬
峰巔白髮雙親遠黃河一綫懸俯看鴻鴈影難

寄益門篇

飛仙閣

誰鑿巉巖掛碧霄一身千仞引輕飈雲邊飛蹠
鶴旋轉趾外長江山動搖百歲浮生飄若葉此
時徒步穩於輶腐儒奔走終奚補謬辱名途壯
髮凋

廣元縣同顧懷東舟行

爲寫塵勞覓小艘一尊同泛嘉陵江水山名勝
得相并洲渚鳬鷗也自雙玉壘劒門烟渺疎
篷飛月波淙淙黃門赤壁興何似醉倚中流氣

未降

弘崖野泊

萬里雄飛一葉舟
弘崖山下枕飛流
寒江濤捲千岩暮
落月猿啼萬壑幽
鄉夢更添客旅況
吏情時問廟堂籌
攬衣天地今何夕
誰卧元龍百尺樓

君子亭

在保寧公署有修竹

曾爲君子軒中主

軒在濟寧水部

一見此君更不疑

河上猶尋冰玉夢
雲邊獨遶鳳皇枝
能祛塵氣應須汝
況有月明復遲誰
把酒岸冠吟不斷
瀟湘

風雨夜來時

錦屏山

山下臨白水江
上有遵道閣

蚤時海內談奇勝每爲名山思轉雄二十年來
一過鳥八千里外雙憑鴻疑被青閣丹霄上倒
掛錦屏白水中川北關南論佳麗振衣獨拜紫
巖風

皇嗣生四十七日蜀中始得報
北嚮拜舞權林成詩

傳道前星光照地龍精麟趾降人寰

天恩

國本一朝定帝步自皇趨萬事間是處江山纏紫氣
早時宮闕見

宸顏小宴謔擬垂衣頌欲獻

端疑新殿間

至前一日同顧懷東黃門開元寺陸玉洲

侍御見招

漢州自到常陰霧豸史開觴放早晴意氣況連
青瑣彥清酣競采石壇英江山孤寺名由勝天
地一陽勢已成萬里

郊宮想

仙仗便從琳閣望神京

丙申至日

至日看雲萬里橋去年親拜紫宸朝
翠華在萬九芝動

御輦委蛇雙鳳翹龍氣自隨天地轉
鄉魂若爲歲時銷關河回首春應闊
錦水風吹晝沈寥

客懷東顧懷東黃門

蜀秦路未已廣漢日常陰惱客天邊
鴈驅人頭上簪雪峰倚使節錦水照
吟襟苦憶瑣闌子敲金日日心

芭蕉

怪爾芭蕉葉冬來放一花詎緣南國暖疑向北
人誇甘冽房房露南人謂中間須萼裏者爲甘露離披片片霞
誰知風雨夕客況滿天涯

百鵲戲篇

臘月七日日西夕天上明霞片片赤少室山人
萬里客長吟對栢栢千尺苦心淒調裂金石蒼
音老氣凌寒碧鵲也何來忽及百喈喈作意搖
人魄急勢若將拔樹動斷響猶疑吹柯坼行雲
駭然爲之破白衣蒼狗紛狼籍移身仰面靈風

飄側葉老幹瑤精射於手芳仁可啄秒莫可席
歲爾自知爾自爲宅炎涼一色風雨俱適驚喜
未定欲語時一飛盡去空脉脉鵲兮鵲兮爾何
心霜霄虬枝翠森森帶笑徐捫頭上簪

雨東懷東掌科一首

往日思君今日深但將此意向知音那堪風雨
芭蕉夕同是天涯羈旅心病肺況經新斷酒逢
人柱說會投簪沈吟欲寫悲涼韻借問囊中碧
玉琴

顧懷東黃門詩時時見示內懷親念弟卷

眷不釋方與予有并舟東下之約故詩以
堅之兼解其意一首

予來遠謝香爐省君亦暫辭青瑣聞騎馬若焚
杜甫草問奇真媿子雲扉湘流共擬春停楫錦
水何緣夜濕衣滿眼江山俱勝跡風流肯與昔
人違

十二月十一日早微雪雲沈沈至晚猶陰
燭坐久出門忽天碧如掃月光可掇此蜀
中所絕少者用是成詩二首

朝來頗訝霏霏雪燒燭出門月滿空見少更驚

無點翳立深何憚倚微風有懷異國與誰共此
夕清光到處同回首鳳城天北極

君王應坐翠芬中

南州客夜稀逢月即有逢時亦半陰今夕江山
應絕勝中天松竹故蕭森寒侵巖壑猿吟苦光
溢星河峽影沈何處笛聲更清切隔雲吹動故
園心

中丞西野翁開元寺冬宴同陳方山太史
顧懷東黃門二首

遠客孤踪逢杪歲中丞勝宴切諸天黃門氣在

丹青上太史身從

王帝邊浮世風蓬悲聚散異鄉杯酒故留連珠光
縹緲鍾聲香松桂陰森起暮烟

冰霜叵奈臨絕徼蕭鼓聊看喧暮天旌鉞俱由
金水側軒簷俄聚錦江邊不緣吏態跡何闊却
使客心袂轉連笑倚梅花問明月暗香疎影曩
和烟

館夜

歲晚客心奚所迫一燈自照劒生華開春擬鼓
三湘柁何日真樓五嶽霞世上浮名拋亦得眼

前微尚興猶賒昔人風調多疎曠隨處江山即
是家

懷李中嵩進士待銓陳前山員外在告一
首

歲暮美人那得書西南天地益愁予因觀山後
今髯苦自別君來酒殘疎壯節豈應學種藥
清朝固合待垂魚錦江江上梅花發斷盡鄉魂半
爲渠

蜀中憶研岡車谷大納言周棗山吏部

萬里思君錦水流紫宸朝罷

御烟得銀臺銓部須名彥文藻風猷俱好仇天上

龍鵠當勝日代中人物重吾州

帝城送別勞相念細雨清觴百尺樓

發京日觴別
崇文門樓上

雨
舊微

撥悶

肺火未消聊習靜悠悠獨坐轉生思峽江猿鳥
天涯外巴蜀冰霜歲暮時振袂起披清檜月焚
香手拊古梅枝人生一世長如客誰不能吟朱
放詩

巴人倚枝歌十二首

卽一出門思萬重巴江江水波洶洶不知昨夜
泊何處雨驟風狂愁殺儂

峽江東去鯨波橫灩澦堆高盡喫驚聞說江靈
多顯暱卽若過時爲剗平

院裏迎春卽手栽花時卽繞百千迴從卽去後
春無力縱有風吹花不開

涪江沱江一般深丈夫見金多愛金有消無息
年年去愁水愁風夜夜心

西鄰少婦日相從等閒不放懊惱容渠家卽壻

前宿

詩到茶蘼滿頭笑見儂

妾種合歡那爲歡種時唯恐開時難自從郎去
底心緒滿樹花開無眼看

問着夷陵江上航聞郎前月下潯陽轉身裙綰
鼠耳草爲郎懊惱却思郎

春風楊柳大堤頭堤上何人作

音做

酒樓憑誰爲

伐堤邊柳繫盡南來北去舟

郎去親說九月歸東風花柳沾人衣愁來錯打
池邊過無數鴛鴦底恁飛

江上帆檣麻似穉烟波望望妾心迷何如化作
江中水郎若東時懷不西

聞說荆門江怒雷思卽萬事心如灰阻風阻雨
程難定卽好從卽幾日廻
曾將嬌豔比花枝花過百朝失故姿黃金難買
春長在卽若來時共鋪糜

雨陰戲篇

日日蠻霧惱不徹霏微陰雨晝逾昏松梅含姿
故省語烏鶯何事底恁喧塵明絲滅慘無色斷
草疎枝寒有痕生長中原未見此豈應一世異
乾坤

擬磨小鏡憶詠賈宗奭事二絕

卷七
麻車當年紫氣生真仙故降邵陽城其心早識
千金鑒著手弗磨徹底明

至人煉神非煉金世人照面不照心一粒真丹
未莫蝕澄潭明月秋千尋

聞顧懷東邇來通夕輾轉輒難成寐戲東

一首

頗怪南州顧給事營魂苦殺寐難成天涯歲暮
同爲客梁苑吳門各有情曠達何人輕遠別英
雄自古困浮名須知沈思神能損猿嘯鳥啼意
自平

少室山人集卷八

河南楊本仁

詩

驅車篇

驅車復驅車驅車魚鳧城我家長河湄胡爲在
茲行相去萬里途水霜歲將更奔湍無重廻何
顧世間名萬鍾等浮煙一瓢足此生明日驅車
轉柰此車上難慷慨歌遠遊月出錦江橫

暮相思

英英閣中梅盈盈月裏開眷茲歲寒姿清影耀

徘徊空有盈觴酒美人遲不來手自把一枝愁
思何由裁寥落浣花亭依然少城隈伊誰愜素
悵幽躅結長苔萬古此江山俛仰令心哀

草堂懷古

明月照人錦水傍乾坤雙淚爲君傷千年城郭
猶風韻百戰江山自草堂老鬢平生悲劒閣忠
魂至死念明皇歌殘秋興思罄欬惆悵無言橘
柚香

憶弟

柴荆鵝鴨定相關南國春生未擬還江汴題詩

長憶汝偏將杯酒怡親顏

郢縣除夕二首

除歲常年旅事微今年除夕更多違
浣花溪畔椒難頌玄草亭邊客閉扉
一燭夜深鴉自語三河春動鴈將歸
有情節俗誰堪問鄉淚雙沾萬里衣

遙憶家園夜自傷梁山汴水路迷茫
天涯節事一枝栢江上客心數瓣香
疎髮那堪逢改歲羈懷更覺繫鳴榔
庭闈此夕春應滿女笑兒嬉第頌觴

元日同顧懷東黃門觴子雲書院

漢使朝元望帝州曉風載酒太玄樓

飛龍闕下嵩呼夢濯錦江邊栢葉甌閉閣此人還
識字乘輅吾子獨前籌物情頃與春流轉一夜
水生芳杜洲

人日草玄亭赴劉竹瀧之宴時顧懷東黃
門朱秋厓兵憲俱已先至

人日出郊風日微江干旌鉞何輝輝林鴛語動
寒猶澀候菜叢生青不稀幽處竹梅了客意早
時軒紋中塵機一尊萬里同爲吏淒斷揚雲閉

後罪

早春江上

爲客驚年換鄉魂羈使輶坐抽江上草誰品月
中簫世怪支機石心卑駟馬橋春風自花柳青
鬢近蕭蕭

憶歸

千里荆門幾日程春風手纜錦官城山經巫峽
峰無斷江至夷陵波始平列陣圖存石蹟細濯
纓人去水痕清尋幽豫擬歸時路引首長謠萬
古情

元夕觴懷東衙

百年佳節逢今夕萬里橋西共鬱煩幸隔烟花
省亂目不緣燈火故開尊金吾夜放鵝鸞醉錦
水春明鸛雀喧壺矢暫憑成一笑更知何處是
鄉園

上元命候吏折取梅花五首

鄂江小吏誰家村折得梅來花半存却怪先生
緣底事上元時節不開尊

江上梅花絕世姿憶爾常嗟見爾遲一自春風
識面後片雲微月動堪悲

璚英爛放錦江濤隨手新芳折早春欲把一枝
待明月不知猶是客中身

獨擅春江此一枝含情把玩上元時殷勤却下
珠簾立怕有風來片片吹

雪中意態月中神冷眼閱殘江上人不是素心
太落落蒼松翠竹本相親

四寢篇 有序

少室子曰人固有寐中語者語若恍惚而意
亦精神之所發寤者聽之而其人弗覺也謂
之寐予來蜀有覲輒有言微示觀物之意豈

亦陸而沈弗自覺焉者邪非邪世必有聽之者作四寢篇

汨汨瀉翠微泠泠自太始本無諧俗情怪爾濯纓子

右山椒泉

出山無定姿偶然成異彩笑指岩下人轉頭失所在

右嶺頭雲

振臂接古松捷蹕凌飛霞翻身向麋語疎月落藤花

右枝端猿

一上橫江艇悠悠視舟子借問艇上人前行何處是

右渡口舟

隴川歌五首

茲山何蒼蔚中有虎豹伏
它山豈不峻樵逕曲相透

獼猴千百羣下山盜園果
公然不畏人連臂路傍坐

春江屬穩流風浪浩難涉
總畏瞿唐峽無人肯繫楫

北地得一竹栽培惜如玉
川江把作新斬伐動成束

早起不見日
夜行不見月
庭前一樹梅
江風吹

不歌

送王虎岡赴太山之教十絕

昆侖之東滄海西千盤岱嶽與天齊
皇封帝禪飭華遠綺閣琳宮日月低

師儒住近太山前道重何慚尺五天
渺渺黃虞開氣象依依鄒魯接風烟

日出天門生紫氣無人不拜碧霞君
野叟祗知歌

帝力山靈自古識人文

誰令杜甫嘆官冷天下腐儒悲至今
高賢況值

傳經地觀海觀山長道心

太山橫絕海門邊四海風雲霄漢連即看雄據
三千地那不孤撐九萬天

名嶽長懷古帝心雲韶如在翠微岑秦松漢栢
蒼烟斷玉檢金函紫氣沈

黃幄颼颼吹天風海濤不動蒸雲紅龜龍寤語
蓮華靜白鶴下來數玉童

天門亭亭接清昊吾

皇禮樂通玄造東行倘謁青帝前春來民物何枯

廣文先生官不做
石壇高映朝日暉
千尋靈嶽供偃息
一掬青氈無是非

青霞丈人冰雪容
浩吟愛拊蒼精龍
月明冉冉向予笑
海水照髯日觀峰

病中喜雪二首

冬來藥裹困朝昏
雪片醒人病裏魂
風斷最憐迴有態
雲深轉覺墮無痕
林鳥故故啼難定
竹鶴娟娟靜不喧
傳語梅花莫造次
待吾載酒開吟軒

萬方民瘼中原甚

聖主憂勞念未平八使若飈敷

帝澤六花如掌答

皇情年來穡事傷秋冷日下人心擬歲成病裏看
天三起卧風雲何處是

神京

病起晴望

病起出門雲物繁今日何日風色暄羈禽妻鳥
各意態白石芳草仍池園百年身健軒簾賤三
畝宅成氣勢尊雙髻蕭蕭倚修竹冰花無數清
吟魂

十二月十九日立春

龍氣驅殘臘春風上縕袍吏情看雪竹時眼向
溪飛歲月入雙髻身名等一毛聞挑新菜甲廻
首憶兒曹

歲暮

病來無事出行遲冉冉輕烟拂竹枝朔氣不生
梅放後暮雲初散鶴歸時百年作吏寸心在臘
日發春早鴈知自傍小闌封舊藥東風已變雪
中姿

庚子元旦二首

是日大
霜霽

冠袍力疾逢開歲，人事物華違俗情。
天地閉門霜霧曉，江山把酒鴈鴻聲。
微風吹鬢孤雲細，片石照顏流水生。
綵勝金花關底事，春光一夜禹王城。

冰斷濁河濤霧黃，雪消少室草烟光。
腐儒易下憂時淚，上日聊揮獻歲觴。
萬里春風新過鴈，十年華省舊含香。
紫宸朝在青雲上，想見故人鵷鷺行。

二月十五日雪

北風二月亂霏霏，春半如冬雪滿城。
急霰頻加

鶯語溫寒華故趁燕飛輕梅當意外疎能健柳
自私時驕肯平細向雲邊觀五出一尊獨對萬
花傾

清明

嬾慢經時萬事疎故園寒食會愁予況堪二月
鶯花畔病起三年涕淚餘雙燕穿雲當斷藥片
鷗隔水對攤書深憑濁酒開新火一笑浮名烟
不如

鶴洲莊海棠

見說海棠花盡開春郊騎馬携壺來紅然雨後

姿應絕爛出竹間意益瑰忽自飛時如辟色縱
令吹去不沾埃霞裳喜識神仙韻醉倚風前雙
燕迴

畫卦臺

千古人文闢此臺精靈當日抱崔嵬羲皇自有
畫前易龍馬長生地底雷意象總存七尺土氣
機誰起百川隤徘徊神會先天上獨抱遺編躡
古苔

鄉園諸親知席上留別

天地春風飛鷓鴣諸君高宴屬佳時杯光滿映

繁花朶雨色輕沾細柳絲多病敢辭清夜醉有
懷重與故人期漢家宮樹凌雲發待汝翻棲最
上枝

春日觴中嵩新園

君來林館開新宴天上節旄壓故山繫馬對談
千樹裏聽鶯一笑百花間孤雲映水滔滔白飛
絮縈絲嫋嫋閒把臂殷勤問西使

清時誰復重秦關

中嵩園宴別用北原韻

往日思君君未還君還今日對離筵微吟短酌

與非淺綠潤紅鮮春不偏
汴柳謾勞折宋苑
嶽蓮曾亦捫秦川
懸知別後重相憶
鶯嚶

宮城萬樹烟

少室山人集卷八